


ANKARA ÜNİVERSİTESİ
İLÂHİYÂT FAKÜLTESİ YAYINLARI

LXXXII

TÜRK — İSLÂM EDEBİYÂTI
Klasik Türkçe Dînî Metinler

Birinci Fasıkül

ANKARA ÜNİVERSİTESİ BASIMEVİ — 1967



1973 - 1974 ders yılı
Fakóltemiz son sınıf talebelerinden
Merhum MU'İAMMED İSMÂİL YARDIM'ın
Fakóltemiz kütüphanesine vakfıdır.

ANKARA ÜNİVERSİTESİ
İLÂHİYÂT FAKÜLTESİ YAYINLARI

LXXXII

1973 - 1974 ders yılı
Fakültemiz son sınıf talebelerinden
Merhum M.Ü. İSMÂİL YARDIM'ın
Fakültemiz kütüphanesine vakfıdır.

TÜRK — İSLÂM EDEBİYÂTI

Klasik Türkçe Dînî Metinler

Birinci Fasikül

ANKARA ÜNİVERSİTESİ BASIMEVİ — 1967

I.

TÜRK — İSLÂM EDEBİYATI

Klasik Türkçe Dīnî Metinler

ایچندە کیلر

صحیفه

VII (Önsöz) اوک سوز

۱ — خلق ادبیاتنده دینی شعرلر و تورک عروض شکللری

| | |
|----|--|
| 3 | حکمت ، احمد یسوی |
| 4 | الهییلر ، یونس امره |
| 5 | الهی ، مخلص اوغل (عاشق پاشا) |
| 6 | الهی ، عبدی (صاری عبدالله افندی) |
| 6 | نفس ، قایغوسز ابدال |
| 7 | نفس ، خطایی (شاه اسماعیل) |
| 7 | دوریه ، شیری |
| 9 | دستان ، عاشق عمر |
| 10 | سماعی ، هاشم بابا |
| 11 | دیوان ، لطفی (عاشق دردلی) |
| 11 | قلندری ، توقادلی نوری |
| 12 | سلیس ، عثمان شمس |

۲ — دیوان ادبیاتنده دینی نثر و شعرلر

| | |
|----|---|
| 15 | «سوره* ملک تفسیری» ندن ، مصلح الدین مصطفی بن محمد |
| 15 | «سورة العصر تفسیری» ، کوزی بویوک زاده ابراهیم افندی |
| 16 | «تضرعات سنان پاشا» دن : خطابیات ، مناجات |
| 17 | توحید ، شیخی |
| 18 | مناجات ، فضولی |

صحیفه

- 19 منظوم آیت و حدیث ترجمه لری، اوقچی زاده محمد شاهی.
 «سیر ویسی مکی و مدنی» دن : «بومقاله» صفها بخش صلوات خمس ایچون اذانه ابتدا
 20 بیاننده در.
 21 «قصص انبیا» دن : «حج وداع»، احمد جودت پاشا
 23 «مولد» دن، سلیمان چلبی
 25 قصیده در نعمت حضرت نبوی، فضولی.
 28 غزل، فضولی.
 28 «تاج التواریخ» دن : «ذکر اوصاف شهر استانبول»، خواجه سعدالدین
 30 «تاریخ پچوینی» دن : «نصب کردن میر میران بدارالملک بودین یعنی انکروس — حکایت»
 31 «میزان الحق» دن : «مبشره»، کاتب چلبی
 «ثمرات الفوائد فی المبدأ والمعاد» دن : «واحدالزمان وغوث اعظم وکیفیت طلب انسان
 33 کامل بیاننده در»، صاری عبدالله افندی
 34 «شرح پند عطار» دن : «در صفت شرف خدمت کوید»، بروسه لی اسماعیل حق.
 35 «حدیقه الجوامع» دن : «جامع حضرت خالد بن زید در قصبه ایوب»، آیوانسرای حافظ حسین

۳ — کتابه، وقفیه و برات اورنکلری

- کتابه لر : ۱ — مزار کتابه سی، ۲ — میدان جامعی کتابه سی، ۳ — میدان جامعی اولیسنک
 39 شال طرفنده تربیه قیوسی کتابه سی، ۴ — نعمان افندی کتبخانه سی قپو کتابه سی.
 40 قسطنونیده اسماعیل بک جامع شریفی وقفیه سی صورتی.
 41 قسطنونیده بیلانلی درکانه عائد برات صورتی.

Ö N S Ö Z

Her bilgi şûbesi gibi, Metinler Şerhi'nin de, hakîkate erişebilmek için ta'kîbe mecbur olduğu metodlar vardır; bu usûllerden bâzıları umûmî ve başka ilim kolları ile müşterek, bâzıları ise kendi yapısından doğan, kendisine mahsus metodlardır. Malzemesini yazılı vesîkalar ve metinler, gâyesini ise bunların tahlîli ve terkîbî bilgilerle canlandırılıp kıymetlendirilmesi teşkil etmektedir.

Metinler Şerhi, birçoklarınca sanıldığı gibi, sâdece, Kırâ'at, veyâ fonetik, morfoloji, sintaks bakımından tahlillere dayanan Dil Bilgisi dersi demek değildir; metinlerin yalnız okunması ve dil husûsiyetlerinin tahlîli başka, hakıyile anlaşılıp kıymetlendirilmesi yine başkadır. Metinler Şerhi, Lisâniyât dışında, üzerinde durulan vesîkanın husûsiyetine göre Târih'in muhtelif kollarının, dîn, ahlâk, felsefe, psikoloji, coğrafya, v.b. sâhalardaki bilgi şûbelerinin, tenkîd, edebiyat ve kompozisyon'un yardımına muhtâttır. Malzemesini vesîkaların, metinlerin tahlîli teşkil ettiği için, hemen hemen bütün ilim şûbelerinin yanı başında bir yardımcı olarak yer alır.

Herhangibir metnin mâhiyyetinin anlaşılabilmesini te'min için, umûmiyetle, bibliyografya bilgisine, yazıldığı yer ve zamâna, yazar kimsenin hayat ve husûsiyetlerine, ne gibi te'sirlar altında kaleme alındığına, çağdaşlarının temâyüllerinden hangi bakımlardan ayrılmış bulunduğuna ve dolayısıyla şahsiyetine, v.b. mes'eelere âit bilgilere sâhip olmamız lâzım gelmektedir; ayrıca metnin yazılış şekli, yâni manzûm veyâ mensûr oluşu, âit bulunduğu hikâye, siyer, tarih v.b. nevîler dolayısıyla, o hususlarda da mâlûmât edinmek mecbûriyetindeyiz. Ancak bu gibi tahlîli ve terkîbî bilgilerin tatbîkî sâyesinde, o metnin, harfiyyen anlaşılabilmesi, dilin muhtelif devirlerdeki tekâmülüne göre kelimelerin, cümlelerin, istilâh ve ta'birlerin, nûktelerin, kısaca söylersek mânâ ve üslûbunun kavranılmasıyla metnin canlandırılması mümkün olmaktadır.

Îlâhiyât Fakültesi'ndeki Klasik Dînî Türkçe Metinler Kürsüsü, adından da anlaşıldığı üzre, bu müessesede okutulmakta olan Kur'ân, Hadîs, Tefsîr, İslâm Târihi v.b. derslerle alâkalı bulunması gözününe alınarak dînî bir yol tutmakla mükelleftir; bu dînî metinler, Îlâhiyât Fakültesi'nin bünyesi icâbı, pek tabîî olarak, Arab harfleriyle okutulmaktadır.

İkinci ve üçüncü sınıflarda haftada ikişer saat okutulan, seminer çalışmaları ile kuvvetlendirilmeye gayret edilen Klasik Dini Türkçe Metinler dersi için seçtiğimiz metinlerin bu *Birinci Fasikül*'ü, (1) *Halk Edebiyatı'nda Dini Şiirler ve Türk Arüz Şekilleri*, (2) *Divân Edebiyatı'nda Dini Nesir ve Şiirler*, (3) *Kitâbe, Vakfiye ve Berât Örnekleri* olmak üzere kısımlara ayrılmıştır; her bölümdeki metinler, imkân nisbetinde, âit bulundukları bilgi şûfelerine, nevi ve şekillere göre, ayrıca, şâir ve müelliflerinin yaşadıkları zaman bakımından kronolojik tasnife tâbi tutulmuş bulunuyor.

Bu fasiküldeki metinlerde, bâzan, aynı kelimenin imlâca farklı şekillerde yazılmış olduğu görülecektir; bunun sebebi, Arab harflerini kullandığımız zamanlarda da imlâmızın kesin olarak tesbit edilmeyişi, Arabça ve Farsça'daki bâzı harflerin Türkçe'de farklı yazılışı, yine Türkçe kelimelerde sesli harflerin yazılıp yazılmayışı ve lehçe ayrılıkları dolayısıyla ses değişimleri, metinlerin aslındaki imlâlarına bağlı kalışımızdır. Zaman bakımından eski metinlere, mânânın kolaylıkla anlaşılabilmesini te'min için noktalama işaretleri koyduk; bâzı metinlere ise, dil ve fikir bakımından çok çetin olmalarına rağmen, hiçbir noktalama işareti konulmuş değildir. Bütün bunlar, talebelerimiz için birer tatbikât zemîni teşkil edebilir.

Memleketimizde, gerek eski gerek yeni devirlere âit şerhedilmiş oldukça zengin metinler bulunmakla berâber, *Metin Şerhi'nde Usûl* hakkında basılı bir eser pek yoktur. Sözlerimize son verirken, bu mevzû'da hazırlamakta olduğumuz bir araştırma ile, okuttuğumuz metinlerin şerh ve tahlili ile alakalı bibliyografya mâlûmâtını ve her husustaki izâhları içine alan ders notlarımızı, talebelerimizin mühim bir ihtiyâcını karşılayacağı için neşretmeği düşündüğümüzü de söylemek istiyoruz.

Ankara—8 Kasım, 1967

Fevziye Abdullah Tansel

1973 - 1974 ders yılı
Fakültemiz son sınıf talebelerinden
Merhum MÜ'AMMED İSMAIL YARDIM'ın
Fakültemiz kütüphanesine vakfıdır.

I.

HALK EDEBİYÂTINDA DİNÎ ŞİİRLER

ve

TÜRK ARÛZ ŞEKİLLERİ

حکمت

خالقمی ایسترم دون کون جهان ایچنده
دورت یانندن یولندم کون و مکان ایچنده

اوچیوز التمش صوکچدم درتیوز قرق درت طاغ اشدم
وحدت شرابن ایچدم دوشدم میدان ایچنده

دورتدن یقی که یتیم طقوزی بر بر اتم
ایکی دن اوتنه یتدم چرخ کیوان ایچنده

چونکه دوشدم میدانه میدانی طولو بولدم
یوز بیکک عارفی کوردم بارجه جولان ایچنده

مین آلرده یورودم ایسته چوکوم فی صورتدم
بارجه ایتور سینده در قالدیم حیران ایچنده

اوزی درده قودم چومدم تنکیز ایچنده
دری صدفده کوردم کوهرنی کان ایچنده

مسکین خواجه احمد جانی هم کوهردر هم کانی
بارجه آنک مکافی اول لامکان ایچنده¹

احمد یسوی

1 Prof. Fuad Köprülü, *Türk Edebiyatı'nda İlk Mutasavvıflar*, Birinci Basım, İst., Matba'a-i 'Âmire, 1918, s. 181.—İkinci Basım, Diyanet İşleri Yayınları, Ankara Üniversitesi Basımevi, 1966, s. 136.

الهی

| | |
|---------------------------------|-----------------------|
| سوکنه دیلسز کرک | دوکنه السز کرک |
| سن درویش اولامازسک | درویش کوکلسز کرک |
| کوزی طولو یاش اولور | درویش باغری باش اولور |
| سن درویش اولامازسک | قویوندن یاواش اولور |
| سن یینه داریلیرسک | محمد داریلمازدی |
| سن درویش اولامازسک | بو داریلماق سنده وار |
| هر کوردیک قاقیرسک | درویش یونس سن دخی |
| سن درویش اولامازسک ² | بو قاقیمق سنده وار |

یونس امره

الهی

| | |
|---------------------|----------------------|
| غرق اولدی جمله عاصی | طاشدی رحمت دریاسی |
| لا اله الا الله | درت کتابک معناسی |
| کوکللرده کیزلیدر | کتابلرده یازلیدر |
| لا اله الا الله | سویله نه چک سوز بودر |
| دنیا به باصدی قدم | جنتدن چیقدی آدم |
| لا اله الا الله | بونى دیر ایدی مدام |
| عرشه چیقار بر اوجی | أرنلرک قیلیجی |
| لا اله الا الله | هر دردلی نك علاجی |
| قلبکدن سیلر پاسی | بودر اسمانک خاصی |
| لا اله الا الله | اسم اعظم دعاسی |

2 Prof. Fuad Köprülü, *‘ayn. esr.*, Birinci Basım, s. 338.—İkinci Basım, s. 259.

| | |
|--|---|
| كوكلره يول ايدر سلطانلرى قول ايدر | داغى طاشى كول ايدر لا اله الا الله |
| كوكل برچندن دوغار «حق» ك برلكن اوكر | عالمه رحمت ياغار لا اله الا الله |
| يونس بونى دير ايدى مولانك كوزل آدى | يانار دلده عشق اودى لا اله الا الله ³ |

يونس امره

الهى

| | |
|--|---|
| هر كيم بكا اغيار ايسه هر قانجرو وارر ايسه | حق تنكرى يار اولسون اكا باغ و بهار اولسون اكا |
| بكا اغو صونان كيشى قولاي كلسون مشكل ايشى | شهد و شكر اولسون ايشى الى ايرر ايرسون اكا |
| آجى ديرلكم ايستهين كيم اولوم ايستر ايسه | طاتلو دريلسين دنياده بيك ييل عمر اولسون اكا |
| هر كيم ديلر بن خوار اولم دوستلرى شاد و دوشمنى | دوشمن آلنده زار اولم دوست معشوق يار اولسون اكا |
| آردمجه طاشلر آتاني اوكه قيو قازاني | حق تخته اغدرسون آنى كللر نثار اولسون اكا |
| هر كيم ديلر ايسه بنم كوزلرندن حجاب كيتسون | اول دوستمدين آيريلديغم ديدار عيان اولسون اكا |
| بو مخلص اوغلى پاشانك اغلاديغم ايسته يه نك | كولديكنى ايسته مهين كوزم بيكار اولسون اكا ⁴ |

عاشق پاشا

3 'Abdülbâkî Gölpınarlı, *Yûnus Emre Divânı*, İst., 1948, s. 532.

4 "Bu manzûme, başlığıyle *Câmi'ü'n-Neẓa'îr*'de ve başlığıyle Murad Molla -(Şeyh Murad) Kütübhânesi'ndeki mecmu'ada mukayyedir» (Sa'deddîn Nüzhet Ergun, *Türk Şâirleri*, c.1., İst., 1941, s. 132 v.d.).

الهی



قالدير حجابی آرادن
حیرانك اولایم سنك

ای جمله خلقی یارادان
سیر ایدلم هر آرادن

قوللریكه ایله مدد
مجنونك اولایم سنك

سنسك احد ، سنسك صمد
طاق بوینمه عشق كند

عشقك اولدی كوندن ظاهر
مفتونك اولایم سنك

سنسك اول ، سنسك آخر
ایلله كوكلمزى طاهر

هر حالله سنسك علم
تسلیمك اولایم سنك

سنسك کریم ، سنسك رحیم
لطف ایت بزه قلب سلیم

هم کوزیمه كوكلمه دول
كم قولك اولایم سنك

خابرم اول ، باصرم اول
افندم كلدی صوچلی قول

وصلك ایلله آنى كولدر
قربانك اولایم سنك⁵

عبدی محزون مجرم كولدر
افندم نفسمی اولدر

صاری عبدالله افندی

نفس

اربابسك سن یوجه تاكری
سن اوقورسك هجا تاكری

یوجه لردن یوجه كوردم
عالم اوقور كلام ایلله

وارسین شویله دورسون دیو
سن چیقمشك اوجه تاكری

عاصی قوللر یاراتمشك
آنلری قویمش اوراده

كلسون قوللر كچسون دیو
ییکیت ايسهك كچ آ تاكری⁶

قیلدن کوپری یاراتمشك
هله بز شویله دورالم

قایغوسز ابدال

5 Ankara Maârif (Kurtuluş-Eski Eserler) Kütübhanesi, Yz. mec., nu. F-6/52 (Sa'deddîn Nüzhet Ergün, ayn. esr., c.1., s. 198).

6 Prof. Fuad Köprülü, ayn. esr., Birinci Basım, s. 376.—İkinci Basım, s. 291.

نفس

| | |
|--------------------------|-----------------------------------|
| واردم قرقلر مجلسنه | كل برى هى جان ديديلر |
| عزت ايله سلام ويردم | كچ اوطور هى جان ديديلر |
| قرقلر يرنده دورديلر | يرلرندن ير ويرديلر |
| ميدانه صفره سرديلر | لقمه يه صون جان ديديلر |
| قرقلر كوكلى اولودر | مؤمنلر قلبك اريدنر |
| كليشك قندن بريدنر | سويله به هى جان ديديلر |
| قالق سماعده بيله اوينا | سيلينسون پاك اولسون آينه |
| قرق ييل بر قازانده قاينا | دخى چكسين جان ديديلر |
| دوشمه دنيا كسوتنه | طالب اول حق حضرتنه |
| آب كوثر شربتنه | پارماغى بان ديديلر |
| كوردىكنى كوزك ايله | بيان ايتمه سوزك ايله |
| بركيجه جلك بزم ايله | اولاسين مهان ديديلر |
| شاه خطايم ندر حالك | حقه شكر ايت قالدير الك |
| كسه كور غيبتدن ديلك | اولاسين سلطان ديديلر ⁷ |

شاه اسماعيل

دوريه

| | |
|------------------------------|--------------------------------|
| جهان وار اولمادن كتم عدمده | حق ايله برلكده يكداش ايدم بن |
| ياراتدى بوملكى چونكه او دمده | ياپدم تصويريني نقاش ايدم بن |
| عناصردن بر لباسه بوروندم | نار و باد و خاك و آبدن كوروندم |
| خيرالبشر ايله دنيايه كلدم | آدم ايله بيله بر ياش ايدم بن |
| آدمك صلبندن شيث اولوب كلدم | نوح نبى اولوب طوفانه كيردم |
| بر زمان بوملكه ابراهيم اولدم | ياپدم بيت اللهى طاش طاشيدم بن |

7 Prof. Fuad Köprülü, *ayn. esr.*, Birinci Basım, s. 390. — İkinci Basım, s. 303.

| | |
|------------------------------------|---------------------------------|
| اسحق، يعقوب، يوسف اولدم بر زمان | اسماعيل كوروندم بر زمان اى جان |
| قورت ييدى وجودم قايناش ايدم بن | ايوب كلدم چوق چاغيردم الامان |
| يحي ايله قانم يره صاچديلر | زكريا ايله بنى بيچديلر |
| مهر سلياني چوق طاشيدم بن | داود كلدم چوق پيشيمه دوشديلر |
| روح القدس اولوب مريمه يتدم | مبارك عصاي موسى به ويردم |
| جبريل امينه صاغداش ايدم بن | جمله اوليايه بن رهبر اولدم |
| رهنا لرندن اردى ذوالفقار | صلب پدرندن احمد مختار |
| قول ايكن ذات ايله سرداش ايدم بن | جهان وار اولدن اهل بيته يار |
| معجزه كورمه دن ايمانه كلدم | تفكر ايلدم بن كندى كندم |
| ذوالفقار باغلادم، تيغ طاشيدم بن | شاه مردان ايله دلده بيتدم |
| قورولدى عين جم ايتدك محبت | «سَقَاهُمْ» خمرندن ايجيلدى شربت |
| آلديغم اسرارى چوق طاشيدم بن | ميدانه اچيلدى سر حقيقت |
| بيعت ايتدك جمله رسول اللهدن | هدايت ايريشدى بزه اللهدن |
| شاه مردان ايله سرداش ايدم بن | خبر ويردى بزه «سير فى الله» دن |
| قرقلر مقامنده اركانه كلدم | بو جهان ملكنى دور ايدوب كلدم |
| سلان پاك ايله يولداش ايدم بن | شاه ولايتدن كر بست اولدم |
| كل اولدم فريادى ويردم بلبله | شكر مطلبمى كتيردم آله |
| قرقلر ميداننده فراش ايدم بن | جمع اولدق بر يره اهل بيت اياه |
| سرى فاش ايتمدك اصلا بر قوله | اقرار وردك جمله دوزلدك يوله |
| پاك ايتدم دامنى كل طاشيدم بن | كر بلاده امام حسين ايله |
| ياغور اولوب ياغدم، اوت اولوب بيتدم | شو فنا ملكنه چوق كلدم كيتدم |
| خراساندن كلن بكتاش ايدم بن | اوروم ديارينى بن ارشاد ايتدم |

| | |
|--|---|
| کاهی اوصلی کی دلی کوروندم کیمسه بیلیمز سرم قلاش ایدم بن | کاهی نی کی ولی کوروندم کاهی احمد کی علی کوروندم |
| کلدیم کیتدم ذاتم هیچ بیلمدیلر هپ مخلوق قولوکه قارداش ایدم بن ⁸ شیری | شیمدی حمد لله شیری دیدیلر سرمی کیمسه لر فهم ایتمدیلر |

دستان

| | |
|--|--|
| بودرنک داغیلر بو آن اکلنمز بونده قونان کوچر، مهران اکلنمز | یالانچی دنیایه آلدانمه یا هو ایکی قپولی بر ویرانه در بو |
| کوکل ویرمه بوستانینه باغینه بونده عاقل اولان انسان اکلنمز | باقه بونک قاراسنه آقینه بکزر همان اوغلان اویونجاغینه |
| چکه کورک ضربن یوجه بیللرک زندانه اولان خود انسان اکلنمز | دوغروسنه کیده کورک یوللرک دنیا زندانیدر مؤمن قوللرک |
| دورری اکلادک تازه بهاری یوقسه یولجی کیدر کروان اکلنمز | ای غافل نه صاندک بور روزکاری یوکک یوکله ده کور اولجه باری |
| بونده نه ایلسهک آنده بولنه اوطاغی قالفیق سلطان اکلنمز | وار عبادت ایله مولا یولنه برکون سفر دوشر برزخ ایلنه |
| صراط کورریسیله «میزان» قورولور بویروغی طوتولور فرمان اکلنمز | عمر تمام اولور دفتر دورولور «حق» ک درکاهنه قوللر دریلر |
| قانی عمر، عثمان، بوبکر و حیدر بونده کلن کیدر بر جان اکلنمز | زاهد نیجه اولدی بونجه پیغمبر قانی خلیل الله، صدیق اکبر |
| دون کون آقار چاغلار میدان آقش موج اورر چالقانیر عمان اکلنمز | صولر اولمش کی دیداره آقش محبت بحرنده بر قطره آقش |

8 Sa'deddin Nüzhet Ergun, *Bektâşî Şi'irleri*, İst., Devlet Matba'ası, 1930, s. 357.—Besim Aṭalay, *Bektâşîlik ve Edebiyâtı*, İst., Matba'a-i Âmire, 1340 (1924–25), s. 76.

کړک یاز قیش کړک بهار ایله گوز کړک مهر، آیيله کړک که ییلدوز
دور ایدرلر «حق» ک آمریله دودوز فلکلر رقص ایدر بر آن اکلنمز⁹

عاشق عمر

سماعی

شراب ناب وحدتدن ایچوب حیران اولان کلسون
حقیقت جنت قدسه بوکون رضوان اولان کلسون

بحمدالله حقیقتله فنا بولدی فنا بزی
بقا بزمندہ صحبتله همین سکران اولان کلسون

ایریشدی قطره مز بجره کورونمز ساحل و بحری
وجودن قطره سن بجره قاتوب عمان اولان کلسون

لدنی علمیدر دائم اوقونان مکتب دلده
آلوب درس خواجه دلدن سوزی قرآن اولان کلسون

«حق» ک ذات و صفاتله کوروک بر ذره بی قائم
مرایای ظهور ایچره اوزی سیران اولان کلسون

قو اعراض و جوهرده کوروب ذات و صفاتی
کلوب ترکیبه هاشمله بوکون بر جان اولان کلسون

کچوب جمله مراتبدن نموداری اولوب کونک
دوردن نشر ایله حشری کوروب دوران اولان کلسون

أرنلر همتین هر دم حقیقت ایستهین جانلر
کچوب هر جمله وارندن یاقوب قربان اولان کلسون¹⁰

اسکدارلی هاشم بابا

9 Sa'eddeddin Nüzhet Ergun, 'Âşık 'Ömer, *Hayâtı ve Şi'irleri*, İst., Semih Lutfi Kitabevi, s. 19.

10 *Dîvân-i Hâşim Efendi*, 1252, s. 83.

دیوان

قیل تحمل ای کوکل کور که نه کیمیادر صبر
آچ کوزن اظهار جاندر، فیض مولادر صبر

اوقونور اثبات ایله آیات فرقان، درت کتاب
بیک بر اسمک ختمی معنالرده کبرادر صبر

کور وجودک قصرینی سلطانی هو در، هو دییهن
سوره سبع المثانی، ید بیضادر صبر

بولدیلر بونده کالی اولیالار صبر ایله
عزم راهک لکن اوصافنده اولی در صبر

صبر ایله جمله مرادی ویردی رب العالمین
ورد و اذکارک سنک هر دمه اسادر صبر

غیری کچ ده برلکک اسرارینی فرق ایله کل
هم شریعتده، طریقتده نه رعنادر صبر

کنت کنزاً سری بو دنیاده در باق تا ابد
دیر که لطفی خاصه قدرتله اولادر صبر¹¹

عاشق دردی

قلندری

یارب بنی سن ایله که دلداریکه مشتاق
تا اولمیه بر غیری یه بو مرغ دل احراق

یاندرمه بنی نار جهنمه الهی
عشقکه دوشور آتش عشقک ایله سن یاق

11 Çankırılı Ahmed Tal'at, 'Âşık Derdli, Hayâtı ve Divânı, Bolu Vilâyet Matba'ası, 1928, s. 64.

عشقکدن اثر اولماسه یا خالق الاشیا*
ویرمز ایدی شمعہ گیجه لر لمعه* إشراق

محتاج سنک لطفکده ، رحمتکده انسان
رحمت کوزدتیر یاپراق ایکن سبزه و اوراق

ایتدم یینه هم نوری «قسمنا» به توکل
کوند ر قولنک رزقی یا رازق الارزاق¹²

توقادلی نوری

سلیس

کوزی دنیا می کورر عاشق دیدار اولانک
دلبری سن کی بر ماه دل آزار اولانک
غیره میلی اولاماز عشقک ایله یار اولانک
یوجهدر رتبه سی مهرکله هوادار اولانک
آیاغی یرمی باصا زلفکده بر دار اولانک
عشق و شوق ایله ویریر جان و سری دونه دونه

جذبده* عشق ایله بر عالمه قیلدم که خرام
دوشدی سرمست کوکل بزیمکه بی باده و جام
چشممه اولدی هویدا نیجه مردان کرام
کیمی ویس و کیمی بدر و کیمیسی شمس بنام
بولوی کبی شبستان محبتده مدام
شمعنک یانمدهده پروانه لری دونه دونه

قیلدی حسرت بنی سرکشته و مستانه روان
نار فرقت دله آچدی نیجه داغ نهان
باشدن باشه اولوب زار تنم دیده* جان
کور، که زلفی ایچنده رخ جانانی عیان
شمس اولوب هم روش مهر و مه نور افشان
سیر ایدر چرخ ایله شام و سحری دونه دونه¹³

عنان شمس

12 Ahmed Tal'at, 'Aşık Tokadlı Nûrî, Çankırı Matba'ası, 1933, s. 144.

13 İbnü'l-Emîn Mahmud Kemâl İnal, Şoñ 'Aşır Türk Şâ'irleri, c. x., Maârif Basımevi, 1940, s. 1801 v.d.—Sa'deddîn Nüzhet Ergun, Türk Mûsikîsi Antolojisi, İst., 1943, s. 704.

II.

DĪVÂN EDEBİYÂTI'NDA DĪNÎ NESİR

ve

Ş i i r l e r

« سورة ملك تفسیری » ندن

« وَاسِرُّوا قَوْلَكُمْ أَوْ اجْهَرُوا بِهِ » تنکری تعالی ایتدی کافرله کرک اشکاره سویلک کرک کزلو یعنی پیغمبری مساوی ایلرلردی اندن بری برنه ایدرلردی سزکوز کزک ارقون سویلک محمد تنکری اشدوب محمده دمسون. ثعلی تفسیرنده ایدر اغورلین محمد حقنه سننه دسلر جبرئیل بیغامبره خبر وردی اندن اترو ایتدیلر. کتاب لطایفده ایدر کرک اغورلین سویلک کرک اشکاره بن بلورم سزوکوزی فعلکوزی کوکلهزدکی. تنکری تعالی وحی قلدی داود بیغامبره علیه السلام که یا داود ایت قل لما نجوی یزوقلن خلقدن کزلرلر بکا اشکاره ایلرلر اعتقادلری اولسا که بن کورمزم خود کافر اولورلر اکر کردکم بلورلسا بن ادمیلردن خورمی کرورلر انلردن کزلرسز بندن خود کزلمکه یرمز پس اندن قورقزسز. اندن کرو بلدردی که کوکلهده کی اندیشلری بلور ایتدی « اِنَّهُ عَلِيمٌ بِذَاتِ الصُّدُورِ » یعنی تنکری اول تنکریدر که کوکلهده نه وارن بلور. اندن بلدردی که کوکلهده کی اندیشی دخی اول یارتدی « اَلَا يَعْلَمُ مَنْ خَلَقَ وَهُوَ اللَّطِيفُ الْخَبِيرُ ». تفسیر ثعلبیده ایدر ابن مسیب حکایت ایلدی ایدر برکشی قتموزده اتورودی آغلردن پیراق دکلودی اوکندن کچمش که عجب تنکری اشیو پیراقلر دکلدکن کرورمی؛ ندا کلدی سر نه که « اَلَا يَعْلَمُ مَنْ خَلَقَ وَهُوَ اللَّطِيفُ الْخَبِيرُ » بلزم اول که ان یرتدی لطیف و خبیردر تفسیر ابواللیث ایدر لطیف در کرور قرکوکمده قرا قرنجاقرا مرمرده یردوکن ایاغی ان اشدر کوکلدن کچن بلور مرادن ورور¹⁴.
مصلح الدین مصطفی بن محمد

سورة العصر تفسیری

حق سبحانه وتعالی بو سورة مبارکده جنس انسانک جمیع سعینده و عمرنی مطالبنه صرفنده نفسنی مهلك و عمرنی مضیع اولغله رأس المال منزله سنده اولان نفسنده و عمرنده خسران ایچنده اولوب الامؤمن حامل خسران اولمیوب تجارتندن ربح ایتدیکینک اوزرینه صلوة عصره قسم ایدوب بیوررکه (والمصر) صلوة عصر حقیچون یعنی اکندی نمازی حقیچون صلوة خمسہ بیننده بونی تخصیص بالقسم ایتدیکی بو صلوة عربک تجارت و اشتغاللری وقتنده واقع اولوب ادا سنده مشقت کثیره واقع اولدیغنه بناء افضل الاعمال اشقها فحواسی اوزره افضل اعمالدن اولدیغی ایچوندر

14 Muşlihü'd-Din Muşafa b. Muhammed, Mülk Sûresi Tefsiri, Ankara, Kurtuluş-Eski Eserler Kütübhanesi, Yz., nu. 329, 32 a v. d.

(ان الانسان لقي خسر) تحقیق جنس انسان تجارتلرنده و سعلرنده و عمرلرینی مطلوبلرینه صرفلرنده خسران و نقصان ایچنده درلر (الاالذین امنوا و عملوا الصالحات) الا شول کیمسه لر خسران و نقصان ایچنده دکلرکه ایمانه کلدیله و عمل صالح ایله عمل اشدیلر زیرا بونلر دنیا ایله اخرق صاتون الدیلر و حیات ابدیه و سعادت سرمدیه فائز و واصل اولدیله بوندنصکره انسانک کندی نفسنک و غیرینک مکله متعلق اولان شی* ذکر دنصوکره غایت شرقی اولدیغنه بناء* غیرینک تهکیلنه متعلق اولان شی* تخصیص بعدالتعمیم طریقیله بیان ایدوب بیورر که (و تواصوا بالحق) دخی شول کیمسه لر خسران و نقصان ایچنده دکلردر که حقله تواصی ایتدیله یعنی اعتقاددن یا عملدن انکار صحیح اولیان امر ثابت ایله بعضیسی بعضیسنه وصیت ایتدیله (وتواصوا بالصبر) دخی شول کیمسه لر خسران و نقصان ایچنده دکلردر که خلقت بشریه حکیمه نفسنک مشتاق اولدیغی معاصیدن صبر ایله یاخود اداسی نفس اوزرینه مشقتی اولان طاعات اوزرینه صبرله بعضیسی بعضیسنه وصیت ایتدیله بوآیت کریمه ده وعید شدید وارد شول جهنمدن که انسان مجرد کندی نفسی تکمیل ایتمکله نجات بولماز بلکه نصیحتله و امر بالمعروف و نهی عن المنکر ایتمکله الله اعلم بمراده و اسرار کتابة غیرک شانینه اهتمدن دخی لازم اولدیغنه دلالت ایدر¹⁵.

کوزی بویوک زاده ابراهیم افندی

« تضرعات سنان پاشا » دن

خطابیات

علم سک علمکه غایت یوق. قدیر سک قدرتکه نهایت یوق. قدیم سک عقول متقدمین و متأخرین دائره* قدمکه قدم باصه ماز. حکیم سک حکمای اولین و آخرین حکمتک معرفتندن دم اورده ماز. بر معشوق سک که عشقک هوا سنده فلکله چرخه گیروب اوینار، بر محبوب سک که شوقک دردندن بتون گون آسیای چرخ ایکلر. بر حاکم سک که قضاک محکمه سنده عقل کل کاتب امین، بر حافظ سک که حفظک خزانه سنده بر نقطه کتاب مبین. قادر سک که قدرتکی تحریرده قلم اعلی عاقر، عالم سک که معلوماتک احاطه سنده لوح معلی قاصر. رحیم سک دارین، نسیم سک رحمتندن بر نفخه؛ کریم سک، عالمین کرمک دکزندن بر قطره

مناجات

جهان پادشاه خدای سک ازل تا ابد پادشاه سک
سن اولدک خداوند بالا و پست وجودکله اولدی نه وار ایسه هست

15 Gözübüyük-zâde 'Abdullâh Efendi, *Terceme-i Sûre-i Duḥâ*, İst., 1287.

| | |
|----------------------------|----------------------------|
| رواندر نسیمکله آب حیات | ویرر وحدتکدن خبر کائنات |
| مغیث الوری خالق لم یزل | نه سکا عدیل و نه سکا علل |
| که یانکده بجهله شهشه گدا | خدا یا سکادر یوشاهلق سزا |
| دمکله یانار شعله نور و نار | قیوکده بیتر حاجت مور و مار |
| گلی لطفک ایلر تبسم نما | عنادل رخکله ترنم سرا |
| دگلسک مکانده مکانه طلق | دگلسک جهانده جهان طلق |

. . . هرکیم که جهان کاسه سندن شربت حیات ایچدی، عاقبت خارمات گورسه گرک
و هرکیم که بوستان زماندن گل راحت قوقلادی، البته خار زرخنی چکسه گرک؛ هرکه نازک دالر
شمشیر مرک النندن پرخوندر، هر طاق دولت کلنک عقوبتندن سرنگوندر¹⁶
سنان پاشا

توحید

کلمه لا اله الا الله لقصیده توحید در خاصیت لا اله الا الله

| | |
|----------------------|------------------------------|
| اثر لا اله الا الله | ندر ایکی جهانده عزت و جاه |
| نظر لا اله الا الله | که دوشسه اولور سعید ابد |
| قر لا اله الا الله | اتدی دینی دینی نورانی |
| خبر لا اله الا الله | طلودر عرش و فرش و کون و مکان |
| مظهر لا اله الا الله | عالم و آدمک ظهوری ندر |
| جوهر لا اله الا الله | کیمیادر که قلبی خالص ایدر |
| محضر لا اله الا الله | اچجق طی اولر سبیل وجود |
| منبر لا اله الا الله | «لن الملك» خطبسیته اورلر |

¹⁶ Tazarrûât-i Sinân Paşa, İst., Matba'a-i Ebüzziyâ, 1309 (1893-94), s. 13, 19 v.d., 38.

| | |
|---|---|
| رہبر لا الہ الا اللہ سحر لا الہ الا اللہ | کستور روحہ قرب «او ادنی» شام شرک و ظلام کفر سورر |
| کھر لا الہ الا اللہ سپر لا الہ الا اللہ | قیمتندہ کورر دو عالمی خالک خوش پناه اولدی تیر حادثدن |
| لنکر لا الہ الا اللہ چاکر لا الہ الا اللہ | بحر حیرتددر سفینہ ^{۱۷} روح دو جهان بندہ جانندن اولته در |
| چنبر لا الہ الا اللہ شکر لا الہ الا اللہ | کردن چرخ و پشت عرش بکرد عالم اغزینہ وزد لذت جان |
| کمر لا الہ الا اللہ شہر لا الہ الا اللہ | ھرکه بغلندی اولدی تاج جهان برودی عرش و فرشی بیضہ مثال |
| سفر لا الہ الا اللہ خنچر لا الہ الا اللہ | ایله شیخی ^{۱۷} که خوش تجارتدر نفس ایله گر غزا قلرسک چک |
| ظفر لا الہ الا اللہ لشکر لا الہ الا اللہ ^{۱۷} | که کوکل فتحنه وره نصرت جند حقدر که صیر هوا چریسن |

شیخی

مناجات

یارب کمال بارکه کبریا حق
یعنی فروغ نور رخ مصطفی حق
قیل غرقہ بحر عشقه وجودم سفینہ سن
فرمان حضره موسی ایدن اقتدا حق
صبح وصاله ایله بدل شام هجری
صبحن دمنده کی نفس دلکشا حق

17 Şeyhî, *Tevhîd, Hüsrev-ü Şîrîn*, husûsî kütübhanemizdeki yazma nüsha, s. 18 v.d.

درد و بلا می راه محبتده قلمه کم
راه محبتکده کی درد و بلا حق

اهل ضلالتکم بکا کوستر هدایتکم
اهدای راه راست قلن مقتدا حق

اندوه درده کوکلمی صاحب تحمل ایت
درده بحمل ایلمن اهل رضا حق

اخلاصم ایت دعایه فضولی کبی درست
درکاهده اجابتیه لایق دعا حق¹⁸

فضولی

آیت و حدیث ترجمه لری

I.

اهل ایمانه توکلدر اهم
کر اولورسه ک طالب خیر و بهی
اکه استرلرسه قرآندن دلیل
قُلْ هُوَ الرَّحْمَنُ أَمَنَّا بِهِ¹⁹

اوقجی زاده محمد شاهی

II.

سعی ایدوب قطع مراتب قیلیمغه
ایله صدق بال ایاه حقّه دعا
غیریدن سکا ایریشمز منفعت
لَيْسَ لِنَا نَسَانِ إِلَّا مَا سَعَى²⁰

ارقجی زاده محمد شاهی

18 Fuzûlî, *Münâcât, Leylâ ile Mecnûn*, Tebrîz basımı, 1274 (1858).

19 *Hadîş Tercemeleri-I.*, Oğcu-zâde Mehmed Şâhî, *En-Nazmü'l-Mübîn fi'l-Âyâtî'l-Erba'in ve Ahşeni'l-Hadîş fi'l-Ahâdîsi'l-Erba'in*, İst., Dârü't-Tabâ'âtü'l-Âmire, Tab'-i evvel, 1311 (1895-96), s. 40.

20 *Hadîş Tercemeleri-II.*, ayn. müellif, ayn. esr., s. 40.

III.

الحديث الحادى

طالب علم اولان سعادتمند لائق اولور نوازش رحمة
بو حديثى بيوردى پينمبر طالب العلم طالب الرحمة

تمام الحديث

طالب العلم طالب الرحمة طالب العلم ركن الإسلام ويعطى
أجره مع النبيين

ديلمى (مستد فردوس) ده حضرت انس دن رضى الله تعالى عنه بو عبارت ايله روايت ايتديكى
(جامع الصغير) ده اشارت اولمشدر²¹.

اوقجى زاده محمد شاهی

« سير ويسى مكى ومدنى » دن

بو مقاله صفا بخش صلوة خمس ايچون اذانه ابتدا بيانندهدر

وقايغ غلغله انداز سال هجرتك برى دخى نوبت زن پنجكانه دولت اسلامدركه اذاندن عبارتدر وضع اولنوب منصب بلند پايه مؤذنى جناب رفيع القدر بلال حبشى به رضى الله تعالى عنه نامزد توقيع اجلال قيلندى رسم بديع الطرز اذان كه فى الحقيقه ريخته قالب حكمت الهيه بر سنت سنیه در صورت ابداعى بو وجه اوزره نمايان اولمشدركه چون شجره زكى المنبت توحيد خطيره نضيره دارالهجرة ساحه سه ريشته استحکام صالوب شقه شفق کون رايه اسلامه سايه نشين اولان حیات حومه ناموس دين كه سربازان نيك اندیشه مجاهديندر منتظم الامر اولديلر يعنى شيرازه لطف تأليف ايله خواجه كائنات عليه افضل الصلوة اوراق قلوب سرکشان مهاجرين و انصارى يكلخت بر مجموعه ملتئم الاطراف قيلديلر شمشير فاروقى التأثير مجاهدين ايله كنج شايگان ايمان ساحه ظهوره چيقوب غارتزده دغدغه غربت اولان اهل اسلام حوزه نشين منصه اطمینان اولدى هرکس بنى باک اداء مفروضه اوقات و انتظام سمط جماعات ايچون ملازمت مسجد امام الانبياء ايتمهك باشلاديلر لكن تعريف اوقات صلوات ضمننده جهت جامعه اصحاب اولاجق بر علامت واضحه البرهان ابداعنه محتاج اولديلر تحرير كبير امام ابن كثير سير بديع التحريرنده بويله

21 *Ḥadīṣ Tercemeleri-III.*, ayn. müellif, *Aḥsenü'l-Ḥadīs*, İst., 1314 (1898-99), s. 64.

كوهرکش رشته* تحریر اولمشدرکه آیین بندگان شهرستان اسلام اولان دقیقه شناسان صحابه* کرام بو باده قرعه انداز تخته* مشاوره اولوب کیمی ضرب ناقوسی ترجیح ایدوب و کیمسی وضع مزمار اولمسی تحسین ایتدیلر اکرچه ناقوس و مزمارك اول ایکی طائفه* بدبود یعنی نصاری و یهوده جهت نسبتلری خاطر انور سید عالم صلی الله تعالی علیه و سلمده غبار انکیز کراحت اولمش ایدی اما بحسب الضروره وضع ناقوس منحوسه اشارت همایون صادر اولوب مهاتی پرداختنه اهتام صدندده ایدیلر برکون علی الصبح نای تیز اهنک خروس بامداد بومهد فیروزه رنگ کائنات غنوده لرین خواب غفلتدن بیدار ایتمش ایدی اصحاب کزیندن عبدالله بن زید بن ثعلبه بن عبد ربه درگاه رأفت پناه سلطان الانبیایه فرسوده جبین خالک نیاز اولدی تفرج کاه عالم رؤیاده کوردیکی واقعه* بدیعینی نمایان مجلای عرض ایدوب یار رسول الله بوکیجه شبستان معتبر تتق خوابده بر مرد خجسته سیجای سبزپوش آئنده بر ناقوس کوردم خریدارانه طالب اولدم سبب طلب سؤل ایتدی اذات اذان جماعت صلوات ایتلمک ایسترز دیدیکمه یا عبدالله ضرب ناقوس شعار نصاری منحوسدر سکا بوندن بهتر و بالاتر بر وضع فلاح بخشه رهنا اولاین دیوکلسته* سر بلند خیال مثالدن شهباز عالی پرواز آوازی هواکیر اوج نیاز ایلدی (الله اکبر الله اکبر اشهد ان لا اله الا الله* مرتین* اشهد ان محمدا رسول الله* مرتین* الی اخره) دیوب بر لحظه* خفیفه دنصوکره طبق ما سبق اعاده* مقاله پیرایه بخش قامت اقامت اولوب ختامنده مکررا قد قامت الصلوة دیدی دیوب صورت واقعهی جلوه کر شعورکاه رسالت پناهی ایتدکده خواجه* عالم و سرور عالی علم صلی الله علیه و سلم حقه* لعل پیرایه* کوهر طرازی لؤلؤ پرداز سامعه اصحاب ایدوب (انها لرؤیا حق ان شاء الله تعالی) بیوردیلر آئندن عبد الله فرمان ایتدیلرکه نقش خریطه* حافظه سی اولان صورت دلکش تعبیر اذاتی بنا کوش بلاله رضی الله تعالی عنهما القا ایلیه بلال که یاننده مرغان نواسنج ارم لال ایدی عبدالله طوطی* سخن آرا کبی تقلید ایله بر اذان وردی شویله که مرده* صد ساله یه جان و پردی ناطقه* بلالندن هیئت مرسومه* اذان سامعه* عمر بن الخطاب رضی الله عنه یتشدکده عمر یرندن صیچر ایوب جر ردای نور پیا ایدرک عزیمت مجلس رسالت پناهی ایلوب یار رسول الله اول جلال احديث حقیچونکه سنی بزه پیغمبر صادق الوعد الامین کوندرمشدر بو واقعه* بدیعه رسمی سر اپرده* خیالده بن دخی تماشا ایلمش ایدم لکن «سبقی عبدالله» دیدی رضی الله عنها²².

ویسی

«قصص انبیا» دن

حج وداع

هجرةك اشبو اوننجی سنه سی خاتم الانبیا علیه اکمل التحایا حضرتارینک حج شریف نیتله مکه* مکرمه یه کیده جکی ناسه اعلان اولندی.

22 Siyer-i Veysi-i Mekki ve Medeni, İst., Vezirhanı Matba'ası, 1286 (1870-71), s. 163 v.d.

ناس دخی فخر عالم ایله برلکده حج ایتمک اوزره اطراف و اکنافدن فوج فوج مدینه* منورهیه کلیب طویلانمغه باشلادیلر .

ذی الحجهیه بش کون قاله رسول اکرم اوکله نمازینی قیلدقدن صکره اهل بیت و اصحاب کرامی ایله مدینهدن چیقوب (ذُو الْحُلَيْفَةِ) یه واردی کیجه اوراده قالدی. فردای احرامه کیردی و اوکله نمازینی قیلدی. بعده اورادن قالقوب قرق بیک حجاج ایله مکه* مکرمهیه عزیمت بیوردی. ذی الحجهنک دوردنجی بازار کونی علی الصبح او یله بر عظیم قافله* حج ایله مکهیه واردی و (بنی شَیْبَه) قپوسندن حرم شریفه کیردی.

بیت شریفی کوردکده، «یارب! سن بو بیتک شرف و شان و مهابتی زیاده قیل!» دیدی. همان بیت الهی طواف ایتدکدن صکره صفا اوزره چیقدی. جناب خدایه حمد و ثنا و نیاز و دعا ایتدکدن صکره مرویه ایندی و سعی ایندی.

او ائنده حضرت علی کَرَمَ اللّٰهُ وَجْهَهُ، یمندن عودت ایدرک بر قافله ایله مکه* مشرفیه کلدی و رسول اکرم ایله کوروشدی.

دیگر طرفلردن دخی قافله قافله پک چوق حجاج مسلمین کلدی و موسم حج شریفه ایریشدی. حج موسمی شهر (آذار) یعنی مارت ایچنده کون ایله کیجهنک متساوی اولدینی زمان ایدی و جمعه کونی عرفه اولوب خَاتَمُ الْمُرْسَلِینْ یوز بو قدر بیک حجاج مسلمین ایله حج اکبر ایلدی.

او کون رسول اکرم غایت مؤثر بر خطبه اوقودی و بو خطبه سنده زمان جاهلیتدن قالمه قان دعوالرینی یساغ ایندی و ایشله مش فائض دعوالرینی قالدیردی.

بعده، «ای ناس! سزک قاریلریکز اوزرنده حق لریکز واردر اما، آنلرک دخی سزک اوزریکزده حق لری واردر. آنلر سزک حقو فکزه رعایت ایتملیدر؛ سزده آنلره حسن معامله ایتملیسکز. مؤمنلر، هپ بر برینک قرنداشیدر، بر کیمسهیه قرنداشنگ مالی حلال اولماز، مکرکه حسن رضاسیله و یرمش اوله. بن، سزه لازم اولان احکام شرعییه تبلیغ ایتدم و سزه ایکی شی* براقدم که آنلره تمسک ایتدکجه هیچ بر وقت ضاللتده قالماسیکز؛ آنلرک بری اللهک کتابی و دیکری پیغمبرینک سنتیدر» دیودها نیجه احکام دینییه بیان ایتدکدن صکره، «ای ناس! تبلیغ ایتدم می؟» دیو صوردی و اصحاب کرام، «اوت!» دیمکله اوچ کره، «شاهد اول یارب!» دیو بیوردی.

غلبه لک پک زیاده اولوب هرکس رسول اکرمک سنی ایشیده مدیکندن (رَبِیْعَةُ ابْنِ اُمَیَّةَ ابْنِ خَلَفٍ) رَضِیَ اللّٰهُ تَعَالٰی عَنْهُ، فخر عالم حضرتلرینک خطبه سنی حضاره تبلیغ ایدردی.

ایکندی وقتی کلمش و حال بوکه اوکله نمازی قیلینامش ایدی. بلال رَضِیَ اللّٰهُ تَعَالٰی عَنْهُ حضرتلری، اذان اوقودی و اقامت کتوردی. ابتدا اوکله نمازی قیلندی، بعده حضرت بلال یینه اقامت کتوردی. ایکندی نمازی قیلندی.

اقشام اوستی حضرت پیغمبر هنوز موقفده ایکن، «الْیَوْمَ اكْمَلْتُ لَكُمْ دِينَكُمْ وَاتَّمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا» آیت کریمه سی نازل اولدی.

معنای لطیف: «بوگون سزک دینکزی اکمال ایتدم و سزک اوزریکزه نعمتی اتمام ایلدم و سزک ایچون دین اولق اوزره اسلامی بکندم و اختیار ایتدم!» دیمکدر.

حال بوکه حضرت پیغمبرک تبلیغه مأمور اولدیغی احکام دینه تمام اولنجه آنک دخی بو عالم فانیده ایشی بیتمش اولور.

هر نه وقت که بر ایش تمام اولدی دینلور ایسه، بر نقصانه منتظر اولق لازم گلور. بناءً علیه بو آیت کریمه، خاتم الانبیا حضرتلرینک آرتق بو عالم فانیدن رحلت و رب العالمینه مواصلت ایده جکنه اشارت ایدی.

ابتدا ابوبکر رَضِيَ اللَّهُ تَعَالَى عَنْهُ حضرتلری بو آیت کریمه ایشتیدیکی کی او اشارق اکلا دی و رسول اکرمک وفات ایده جکی خبر ویریلیور دیو آغلادی²³.

احمد جودت پاشا

مولد مصطفی علیه السلام

| | |
|------------------------------|----------------------------|
| واجب اولدر جمله اشد هر قولاً | الله ادن ذکر ایده لم اولاً |
| هر اشی اسان ایده الله اکا | الله ادن هر کم اول اول اکا |
| هرگز ابتر اولمیا انک صوکی | الله ادی اولسه هر اشک اوکی |

قَالَ النَّبِيُّ كُلُّ أَمْرٍ ذِي بَالٍ لَمْ يَبْدَأْ بِسْمِ اللَّهِ فَهُوَ أَبْتَرُ

| | |
|-------------------------------|-----------------------------|
| الله ادیله اولر هر اش تمام | هر نفسه الله ادن دی مدام |
| دردله کوز یاشله اه ایده لم | عشقله کل امدی الله ایده لم |
| اول کریم و اول رحیم و اول اله | اوله که رحمت قله اول پادشاه |
| صانع و ثواب و ستار العیوب | عالم و علام و غفار الذنوب |
| واهب الاحسان غنی فتاح نور | دایم و دیان و محیی و شکور |
| قاسم الرزق و مقیم و لایزال | صادق القول و عظیم ذوالجلال |

23 Ahmed Cevdet Paşa, *Kıssa-i Enbiyâ ve Tevârîh-i Hula fâ*, Cüz'-i Saliş ve Râbî', İst., Kanâ'at Kütübhanesi, 1331 (1915-16), s. 338 v.d.

| | |
|-------------------------------|-------------------------------|
| قادر و قهار و قیوم و قدیر | فاطر و خلاق و رزاق و خبیر |
| بردر اول برلکنه شک یوقدر | کرچه یکلش سویلینلر چوقدر |
| جمله عالم یوغکن اول واری | یاردملشدن غنی جباردی |
| واری یوق یوغی وار ایدن اولدر | دنیا ده هر اولئی اول اولدر |
| واریکن اول یوغدی انسن و ملک | عرش و فرش و ای کنش هم نه فلك |
| صنعله بوئلاری اول وار ایلدی | برلکیله جمله اقرار ایلدی |
| قدرتن اظهار ایدوب هم اول جلیل | برلکینه بوئلری قلدی دلیل |
| باری نه حاجت قلاوز سوزی چوق | بردر اول ایدن ارتوق تکری یوق |
| حشره دک کر دینلورسه بوکلام | نیجه حشر اوله بو اولمایا تمام |
| کر دلرسز بولسز اوددن نجات | عشقله دردیله ایدک اصلا ت |

فصل

| | |
|--------------------------------|---|
| بیلکز ای عاشقان مصطفی | حقه اردی انده جان مصطفی |
| اول هما قوشی چو پرواز ایلدی | جمله خلق فریاده اغاز ایلدی |
| صبر یاقاسینی یرتب اچدیلر | باشلرینه خالک حسرت صاحبدلر |
| طولدی عالم هب غریویه خروش | اول غریویه جهانه دوشدی جوش |
| هر ملک هر وحش و طیر و جن و ناس | مصطفی ایچون قوسی طندی یاس |
| آه و فریادی کوکا اغدر دالر | بو اودیله جانلرن کویدر دالر |
| نعره و فریاد و زاری های و های | طولدی یرلر کوکلر اه و وای و وای |
| چونکه بو زارینری چرخ دکلدی | بیلی بوکلدی و فی الحال اکلدی |
| آی و کون طندی و دوندی رنکی هم | خلق عالم ایچنه دوشدی بو غم |
| آه ایدوب ایدردی بو بکر رضا | قائیا اول مصطفی و مجتبا |
| زاریله چاغرب دردی عمر | نیدوز سنسز بز ای خیرالبشر |
| دردله عثمان عمان حیا | دیدى قانی شاه جمله انبیا |
| هم علی ایدردیکم یا مصطفی | کتدی عالمدن جمالکمز صفا |
| خسرتیله در حسینیه حسن | نیدهوز بز ای دده کتدک چو سن |
| کتدوکز سز بزى کم اخشایسر | قرة العین بزى کم دییسر |
| ای دده سنسز بز اوش قلدق یتیم | فرقتک اودی بزى یقدى عظیم |
| فاطمیله عایشه قیلب فغان | درلریدی الامان و الامان |
| عمیسی کم مصطفانک و اردی | اشبو شعری اول دزب اغلاردی ²⁴ |

سلیمان چلبی

24 Süleymân Çelebî, *Mevlid*, yazma nüsha, Fâtih Kütübhanesi, nu. 5430/1, Tıbbî Basım, varak: 1b, 2b (Ahmed Ateş, *Süleymân Çelebî, Vesiletü'n-Necât-Mevlid*, Ankara, Türk Tarih Kurumu Basımevi, 1954).

قصیده در نعت حضرت نبوی

صاچه ای گوز اشکدن کوکلمده کی اودلره صو
 کیم بو دکلو دوتشان اودلره قیلمز چاره صو
 آبکوندر گنبد دوار رنکی بیلزم
 یا محیط اولمش گوزمذن گنبد دواره صو
 ذوق تیغکدن عجب یوخ اولسه کوکلم چاک چاک
 کیم مرور ایله براغور رخنه لر دیواره صو
 وهم ایلن سویلر دل مجروح پیکانک سوزن
 احتیاط ایله ایچر هر کیمده اولسه یاره صو
 صویه ویرسون باغبان کلزاری زحمت چکسون
 بر گل آچیلماز یوزک تک ویرسه بیک کلزاره صو
 اوخشاده بیلمز غباریکی محرر خطکه
 خامه تک باققدن اینسه گوزلرینه قاره صو
 عارضک یادیلنه نمناک اولسه مرکانم نوله
 ضایع اولماز کل تمناسیله ویرمک خاره صو
 غم کونی ایتمه دل بیماردن تیغک دریغ
 خیردر ویرمک قراکو گیجه ده بیجاره صو
 ایسته پیکانن گوکل هجرنده شوقم ساکن ایت
 صوسزم برگز بو صحراده منمچون آره صو
 من لبلک مشتاقیم زهاد کوثر طالپی
 نته کیم مسته می ایچمک خوش کلور هشیاره صو
 روضه کوینه هر دم دورمایوب آیلر گذر
 عاشق اولمش غالبا اول سرو خوش رفتاره صو

صوبولن اول کویدن طوپراق اولوب دوتسه م کرک
چون رقیبمدر دخی اول کویه قویمن واره صو

دست بوسی آرزوسیه اولورسه م دوستلر
کوزه ایله ک طوپرغم صونک آنکله یاره صو

سرو سرکشک قیلور قری نیازندن مکر
دامن دوتنه آیاغینه دوشه یالواره صو

ایچمک ایستر بلبلک قانن مکر بر رنک ایله
گل بوداغنک مزاجنه کیره قورتاره صو

طینت پاکنی روشن قیلمش اهل عالمه
اقتدا قیلمش طریق احمد مختاره صو

سید نوع بشر دریای در اصطفا
کیم سپویدر معجزاتی آتش اشاره صو

قیلمغیچون تازه کلزار نبوت رونقن
معجزندن ایلمش اظهار سنک خاره صو

معجزی بر بحری پایان ایش عالمده کیم
یتمش آندن بیک بیک آتش خانه کفاره صو

حیرت ایلن بارمغن دیشلر کیم ایتسه استماع
بارمغندن ویردیکی شدت کونی انصاره صو

دوستی کر زهر مار ایچسه اولور آب حیات
خصمی صو ایچسه دوتر البته زهر ماره صو

ایلمش هر قطره دن میک بحر رحمت موج خیز
آل صونوب اورغج وضو ایچون گل رخساره صو

خاک پاینه یم دیر عمرلردر متصل
باشنی داشتن داشه اورب کزر آواره صو

ذره ذره خاك دركاهينه استر صاله نور

دو نمز اول دركاهدن گر اولسه پاره پاره صو

ذكر نعتن ورديني درمان ييلور اهل خطا

ايله كيم دفع خار ايچون ايچرمي خواره صو

يا حبيب الله يا خير البشر مشتاقكم

ايله كيم لب تشنه لر يانوب ديلر همواره صو

سنسك اهل بحر كرامت كيم شب معراجده

شبنم فيضك يتورمش ثابت و سياره صو

چشمه* خورشيددن هردم زلال فيض اينر

حاجت اولسه مرقدن تجديد ايدن معاره صو

بيم دوزخ نار غم صالمش دل سوزانمه

وار اميدم ابر احسانك سپه اول ناره صو

يمن نعتكدن گهر اولمش فضولى سوزلري

ابر نيساندن دونن تك لؤلؤ شهواره صو

خواب غفلتدن اولان بيدار اولانده روز حشر

اشك حمرتدن توكنده ديده* بيداره صو

اومديغم اولدر كه روز حشر محروم اوليم

چشمه* وصلك ويره بن تشنه* ديداره صو²⁵

فضولى

25 *Külliyât-i Fuzûlî*, İst., Yeni Şark Kütübhanesi, 1343 (1927), s. 15 v.d.—*Fuzûlî-Türkçe Divân*, Metni Baskıya Hazırlayanlar: Prof. Ken'ân Akyüz, Süheyl Beken, Dr. Sedid Yüksel, Dr. Müjgân Cumbur, Ankara-Türk Tarih Kurumu Basımevi, 1958, s. 23 v.d.

غزل

خیالیه تسلیدر کوکل میل وصال ایتمز
کوکلدن طشره بر یار اولدیغن عاشق خیال ایتمز

حقیق عشق چون مستوجب نقصان دکل مطلق
اوزن اهل حقیقت واله حسن و جمال ایتمز

کمال عشقه طالب محترذر حسن و صورتدن
که قید حسن و صورت عاشق صاحب کمال ایتمز

دلیل جهلدر عشق اهلنه صورت پرست اولمق
که عاقل افتراق ممکن ایله اتصال ایتمز

کوکلده دوست تمکین بولسه اولماز کوزده جولانی
محبت ثابت اولسه اوز یرندن انتقال ایتمز

سواد ماسوادن لوح دل خالی کرک دائم
موحد صفحه ادراکه نقش خط و خال ایتمز

ارادت ضایع ایتمز اهل معنی صورته هرگز
حقیقت جوهرن وجد مجازه پایمال ایتمز

مقید اولماز اهل صورتک رنگنه حال اهل
فضولی کیم مقیددر مکر ادراک حال ایتمز²⁶

فضولی

« تاج التواریخ » دن

ذکر اوصاف شهر استانبول

ناظم داستان شاه و کدا
شعرانک سرآمدی یحیا

صاحب لطف طبع حسن ارا
کشور شعری ایلین احیا

26 *Külliyyât-i Fuzûlî*, İst., Yeni Şark Kütübhanesi, 1343 (1927), s. 334.

اول شهر زیبا و مدینه* دیرینه* دلارا وصفنده بو ابیات خوشنما ایله مدح سرا اولمشدر :

| | |
|-----------------------------|---------------------------------|
| آدی قسطنطنیه در انک | تختکاهی در آل عثمانک |
| ایکی بحر ایلمش او شهری پناه | بری بحر سفید و بری سیاه |
| کیردی بحر ایچنه او شهر اما | دیزینه چیقمدی انک دریا |
| یار کبی او شهرمه پیکر | قوشانور سوردن کشلو کر |
| بو عجبدر که آسان گردار | بر کنارنده یدی قلهسی وار |
| اکا دیزدار ایسه گنش یریدر | انجم اول قلعه ده حصار اریدر |
| چکیلوب آسانه نیته که مد | یوجلیدر بروچی فوق الحد |
| سقف افلاکی کبی دنیانک | ایچی قات قات بنادرر انک |
| قورشون اورتولو قبلر یریر | یلکن آجش کیلره بکزر |
| حق بوکیم یوزی صوبیدر دهرک | یوق نظیری جهانده اول شهرک |
| همه هرچه باید بدودر فراخ | پر از باغ و ایوان و میدان و کاخ |

.....

اول مدینه* دیرینه ده یوزدن زیاده کنیسه و دیر مساعی* بحیله* ارباب خیر ایله مساجد جدیده و معابد سدیده اولوب نیچهسی دخی مدرسه و خانقاه و اصحاب سلوکه جایگاه اولمشدر اول دارالامانی تختگاه سلاطین عثمانی اوللیدن برو نیروی اقتداراری ایله و دست یازی معاز همت بلند مقدارلری ایله معمور اولوب محکم و رفیع و استوار و وسیع نیچه نیچه مصنع و زیبا مساجد و عمارات سلطانیه ایله مزین اولمشدر که هیچ برینک پیشگاه طاق میانیسنه دست اقتدار سلاطین آفاق ایرشمش دکلدنر نته کیم محل کلدکده ایراد اولنور و بانیلری اولان سلاطین جنت معاد قصه لری خلانده آثار خیرلری تعداد اولنور وزرا و امرا و علما و سائر اصحاب خیرات اول خطه* دلاویزده تأسیس ایتدکلری نفیس مسجدر و یکیدن بنیاد ایتدکلری مدارس و عماری ارباب بصائر حین مشاهده لرنده حائر اولوب خیطه* بیانندن گذراندر اوقات خسه ده اول صوامع اسلامییه مأذنه لرندن پیدا اولان کلبانک محمدی بر وجهله بلند و دلپسند اولور که طاس سرنگون قبه* نیلگون صدای غمزداسی ایله ملو اولوب شرف بخش گوش سروش اولور و هر منار گویا که بر چنار سایه دارد اوستنده بلبلان گلستان تقدیس و تفرید شام و سحر تفرید ایدر ابنای زمان اول مدینه* حصینه حصاننده حیران اولغین ام الدنیا ایله تلقیبه سزاواردر و غرایب آثاره اشتال ایله اعجوبه* ادوارددر محیر عقول اولان مشمولات مقبوله سنک بری طاق بلند رواق احداق حذاق مشاهده* فتور و فطوردن تمجیز ایدن آیاصوفیه قبه سیدر که مزید تناسب و استحکامی استعلامی ایچون تحدیق بصر و تعلیق نظر ایدن دقیقه شناسار کتابه سنده (فَارْجِعِ الْبَصَرَ هَلْ تَرَى مِنْ فُطُورٍ) آیتی دیده* درایت ایله مشاهده ایدرلر و اول عبرت دیرمینا و غیرت قبه* خضرانک کمال اتساع و ارتفاع کورن صاحب نظران دانا (إِنَّ الَّذِينَ سَمِعَتْ السَّمَاءَ بَنَى لَنَا بَيْتًا دَعَايِمُهُ أَعَزُّ وَأَطْوَلُ) مفهومه ما صدق ایدوکی تصدیق و نوع مفرد ایدوکی تحقیق ایدرلر.

(مؤلفه)

| | |
|---------------------------------|-------------------------------|
| ایچنده محو اولور اون بش بیک آدم | بر اولو قبه در مرفوع و اعظم |
| مثالی آنلرک شمدی بولمز | آنک مرمرلری هیچ وصف اولمز |
| صماق و صاری واق و ابلق | منار آسا ستونلر سبز و ازرق |
| عجب طور اوزره اورمش اکا بنیاد | کیسین طونچدن دوکشدر استاد |
| مزین انلر ایله چار دیوار | دخی مواج زرین مرمری وار |
| اواور سیر ایلین حیران و مدهوش | ملون مرمر ایله سطحی مفروش |
| سکردوب چیقسه اولور اسب رهوار | مطبقدن ایکی یردن یول وار |
| بسیط خلکده یوقدر مثالی | عجب پیکردن اول بنیان عالی |
| که زیبادر بناسی و فناسی | مگر شاهان عثمانی بناسی |
| که اولمشدر معلی و ممد | خصوصا جمع سلطان محمد |
| که وصفی عاشق ایلر سامعینی | سلجان خان غازی جامعی |
| نه وصف ایلر صریح و نه کنایه | نه تشبیه ایتمک اولور بر بنایه |
| انی کورن اولور غیریبی ناسی | بلند اولمش فلک کردار اساسی |
| اوله اسلافی ایله شاد و مسرور | جنان باغنده اول سلطان مبرور |
| یدی اقلیم اوله زیر نگینی | جهان دوردقجه دورسون جانشینی |

سلطان صادق التیه فاتح قسطنطنیه اول دیر دیر ساله دن چرک شرکی ازاله ایدوب عبادتگاه اهل انتباه و انجمن ذکرالله ایتدکدن صوکره اول حصن مصون دروننک اکثر اراضی و محلاتی و دکاکین و عقاراتی که عنوة فتح اولمشیدی معبد مزبور مصالحنه وقف شرعی ایتدیلر و اول عبادتگاهده اعلاى کلمه الله مراسمی مرعی ایتدیلر²⁷.

خواجه سعدالدین

« تاریخ پیچوی دن »

(حکایت) بعضی ثقه دن مسموعمز اولمشدر اول سفر ظفر اثرده ابوالسعود افندی مرحوم قاضی عسکر ایمشدر و کندینک ایکی خوش خوان و خوب الحان دانشمندلری وار ایمش بالذات ایکسی دخی سعادتلو پادشاه عالمپناه غازی دیشانک معلوملری ایمش خطبه²⁸ شریفه قانغیسی اوقومق امر اولنور دیواستیدان ایدرلر سعادتلو پادشاه غازی مرحوم ایکسینک دخی بری برندن فرقی یوقدر الا فتحه متعلق بر خطبه²⁹ شریفه انشا ایتسونلر بیوررلر فی الواقع برینک نظم ایتدیکی خطبه پسندیده دوشوب خطابی اول ایدر اول حینده ملازمت ایله بر اووچ التون احسان ایدرلر عودتده بلغرادده ابوالسعود افندی

27 H'vāce Sa'deddin Efendi, *Tâcü't-Terârîh*, c.1., İst., Tab'hâne-i 'Âmire, 1279 (1863-64), s. 430, 433 v.d.

مرحوم بر قضا²⁸ تلخیص ایدرلر یوق منلا تیز در دیو بیوررلر استانهیه واردقدنصکره بر زمان مرور ایدر
مرحوم ایسه تکرار عرض ایتمز برکون عرضه کیردکده یکی ملازمی اونوتدک بوندنصوکره ملازمی
پایانه ایریشدی بیوررلر حق²⁹ سُبْحَانَهُ وَتَعَالَى اول غازی و عادل پادشاهی غریق لجه³⁰
بحر رحمت ایده طریق ملازمت و قضائی دخی بویله بیلورلر و بویله جه کوزه درلر ایمش چون خطیب
بلیغ النده بر عریان تیغ ایله منبره صعود ایدوب حمد خالق خدا و تصلیه³¹ سرور انبیا ایتدکنصکره
اسم همایون پادشاه ظفر مقرونی یاد ایلدی جمله عساکر مسلمین و کافه³² موحدین که حسابدن بیرون
و حد و عددن افزون ایدی هرکسه بر کونه حالت و ذوق و بر مرتبه شوق عارض اولدی که کوز
یاشرلرین سیل روان کبی جاری و بوغزایه باعث اولان پادشاه اسلامه جناب باری تعالی یاری اولتی
ایچون بر مرتبه دعا و ثنا ایثار و نثار ایلدیلر که قابل تعریف و تحسین دکلدر³³.

« میزان الحق » دن

مبشره

وصیت ثانیه

واعظ افندیلره لایق وصیتدر. بو مقامده وعظ و نصیحت آدابندن بر قاجنی تعداد ضمیمه
بو وصیتی درج ایدرز؛ تاکه استماع ایدنار بیلوب آدابه رعایت ایدلر و وعظ دیکلیه لر. ادب اول :
وعظنده شهر خلقنک عرفنه و عادت و اصطلاحنه مخالف سوزلر اولمیه ؛ زیرا بونلر قیل و قال
و اختلافدر. ادب ثانی بودرکه، اهل اسلام آراسنده اختلاف وار ایسه، رفق و حسن تعیر و نصیح
دلپذیر ایله تالیف قلوبه و نفرت اغراضی دفعه متعلق وعظ اولنه. بر جانبی طوتوب، اوته طرفه عتاب
آمیژ سوزلر ایله شماتت اولمیه که، عداوت ازدیادنه سببدر. ادب ثالث بودرکه، عموم اوزره
اوامره امتثال و نواهیدن اجتنابه و فرائض و واجباتی ادایه ترغیب و وعید باینده افراط
و تفريط ایتمه یوب اقتضاسته کوره حکیمانه اوله. خلق امن و یأسه دوشمه لر، بین الخوف
و الرجاء کیده لر؛ خوف جانبی غالب اولورسه اولسون. ادب رابع بودرکه زمان و مکان و مقتضای
نه ایسه آدا اولنه. فضائل ایام و شهر و عمل یوم و لیلده وارد اولان اخبار و آثار نقل و عوامه
ترجمه و تعلیم اولنه. موضوع حدیثدن غیری احادیث ضعیفه نقلنده بأس یوقدر. حقنده اخبار
و آثار وارد اولان نوافل و عباداته ترغیب اولنوب، عاده مبنی اولان نمازلر و عبادتذر ذکر
اولمیه ؛ بلکه، اول بابده کاغذ قورلرسه دخی سکوت ایلیه. ادب خامس بودرکه، عوام فهمندن
خارج اولان مباحث دقیقه دن و یا خود تصوف اصطلاحنه مبنی جبروت و لاهوت عالمندن دم اورلیوب،
اکثر مخاطبک حال و شانی اولمیان سوزلر سویلمیه ؛ بلکه واضح و فهمی آسان اولان نصیحتلر
و تمثیللر سویلنه. امام راغب اصفهانی « ذریعه » ده و « تفصیل نشأتین » ده، « وعظ عوام ایچوندن ؛
خواص ایچون دکلدر » دیمشدر. کَلِّمُوا النَّاسَ عَلَى قَدْرِ عَقُولِهِمْ³⁴ فحواسجه
سنته رعایتدن چقلمیه ؛ زیرا اکثر مستمعینده فهمه لیاقت اولماغله، نفس ناطقه، مجهول معلوم
ایدنمک جانبته میل ایتمه یوب اعراض ایدر. انک اعراضی روح حیوانینک داخله توجهنه سبب

28 *Târih-i Peçuyî*, c.1., İst., Maṭbaʿa-i ʿÂmire, 1283 (1867-68), s. 228 v.d.

اولوب، نوم حادث اولور. اول اجدندركه اكثر خلق وعظ و خطبه مجلسنده اويورلر؛ زيرا خطبه عربيدر؛ فهم ايتدوكي تقدیرده معنا ايله چندان آشنالغی یوقدر. ادب سادس بودرکه، وعظه مناسب نوادر و حکایات و لطائف و ابیات گاهی ایراد اولنه؛ اما بشرط آن که طعامده نمک مثالی اوله. ادب سابع، بورسالده یازیلان مباحثه و سائر جزئیات امور نقلنه تکثیر مستمعین و اشتہار مصلحتی ایچون طمع و هوس اولمیه، عموم اوزره حلال و حرام و صلوات و صیامه متعلق و عقائد اجمالی و اصول و ارکان اسلامی تعلیمه متعلق نافع سوزلر سویلنه؛ لطافت تقریر و حسن تعبیر صاحبی اولانی دیکلرلر. واعظده علم یوغیسه، باری آداب وعظدن چیقمغله خلقه اُم و یرمه یه!.

وصیت رابعه

بوفقیردن استفاده ایدن طالبلره، خصوصاً و سائر طلبیه عموماً لایق اولان وصیتدر. بو مقامده فقیر دخی، فاضل محقق قاضی میر، جام گیتی نما آخرنده یازدیغی وصیت کبی توصیه ایدوب دیرمکه، اولاً، قوابلدن اولان ذوات تحصیل مقدمات ایتدکدنصوکره عقائد اسلامییه کوره، مسائل متنی ضبط ایلیه؛ بعدد باقی فنلره قانون اوزره شغل ایلوب هر کثرت و وحدت جانبندن باشلیه و برقی اتقان اوزره تمام ایتمدن فن آخره انتقال ایلیمه و کندی کسبی و معاشی سمتی نه در کوروب، اکا موافق فنلری تحصیل و تکیل ایلیه؛ اگر وقت و حال مساعد اولورسه سائرین کوره و تحصیل تمام اوله دن بعضی مناصب و وظائف علمییه هوس ایلیمه؛ زيرا قضا و فتوا و وعظ و امامت و خطابت و کتابت قانون اوزره شغله مانعدر. آنلر وظیفه سته اشتغال لازم کلور. بعدالتحصیل دخی نظریاتک و حشیلری نسیاننه سبیدر؛ زيرا اول خصوصلره اشتغال بر فنک جزئیاتیله اشتغالدر. اول دخی قانون و ترتیب اوزره دکل، مدعی و مستفتینک مرادی اوزره در. اول اجدلن فاضل روم بروسلو خواجه زاده مرحوم، «سید شریف بالواسطه استادمدر؛ جمله تحصیل آنلرک آثارندندر. طریق نظرد سید و سعدالدین تألیفلرندن غیری برکتابه استفاده قصیدیله بقمدم. بندخی سید رتبه سته واصل اولوردم؛ اگر بر قاچ مانع اولماسیدی؛ اولاً آنلر صحیح المزاج ایدی؛ بن علیم و آنلر عمرینک اولندن آخرینه دک درس تحریری ایلله قانون اوزره شغل ایلدیلر. بنم زمان شغله مناصب اجنبیه تداخل ایلدی؛ یعنی قضا و فتوایه مبتلا اولوب شغلدن قالدیم» دیدکلری شقایق حاشیه سنده مسطوردر. امدی طالب صادق صحیحجه تحصیل مراد ایدرسه لایق بودرکه اول قضاالره اوغرامیه. امر معاشی بر غیری یردن تدارک ایلیه. عقاید اهل سنتی محکم ضبط ایلوب کتاب و سنت و اجماع امت حصننه کیره. قرآن و حدیثی و فقها و اولیا کلامنی میزان اتخاذ ایلیه. بعده حکما کتابلرینی و متکلمین سوزلرینی و صوفیون کلامنی تتبع ایدوب «خدا صفا دع ماکدر» فحواسنجه هر برندن فکر و نظر صحیحله مفید اولانی قبول ایدوب مستفید اوله. هیچ برینی رد و انکار ایتیموب تعصب دردینه دوشمیه. نیته که مقدمه ده تنبیه اولندی. بو مقامده دخی کلام بونکله انجامه ایروب رساله تمام اولدی.²⁹

کاتب چلبی

« ثمرات الفؤاد فی المبدأ والمعاد » دن

فصل ثانی — واحد الزمان و غوث اعظم و کیفیت طلب انسان کامل بیاننده

. شمس حقیقت محمدیه مطلعنه مقابل دوشن مرآته پرتو عشق الهی تابان اولماق نیجه قابلدن. شیخ علوان شیرازی « ترجمه کلشن راز » ده مقلد ایله محقق بیان بیوردرلر :

ترجمه کلشن راز

| | |
|--------------------------------|--------------------------------|
| جهانده ایکی درلودر مرایی | که الدارلر بولار یوخسول و بایی |
| برییی یورر اسکی کسوت ایله | که زاهدلر اولور بو صورت ایله |
| عوام الناسی بولار ییمک استر | بولارکله اشمک دیمک استر |
| کیرلر پاره پاره کهنه جامه | دیلرلر کم سویله لر عوامه |
| یکی طون کی دیسک کیمز اولورسه | بو دیدیک سوزه اویمز اولورسه |
| که یعنی دنیا ترک ایتمش دیسونلر | جهانده نفسی اورکتمش دیسونلر |
| فتلنورسه طارامز صقالن | که دیسونلر اونتمش کندی حالن |
| دیسونلر کم حقه مشغول اولوبدر | عوام ایچنده بو مقبول اولوبدر |
| ایکنجیسی بودر اهل رینک | ایشیت ائمدی علامتلرین انک |
| یلر آردنجه دائم نیک نامک | دیلر مقبول اوله خاص و عامک |
| دیلر کیم کیره سلطان صحبتنه | دخی هم واره خاتونلر قتیته |
| اکر کهنه کیره کندوزینه | اوشانور خوار اوله سلطان کوزینه |
| اکر یکی کیر ایشه عوایی | اوشانور منکر اوله دیو نایی |
| بهالو صوف آلور دکدیرر اینجه | مطوق کسدیرر دکدیرر اینجه |
| زیارت اولنوب عزت بوله لر | دعاسن آله لر خدمت قیله لر |
| کوردرلر بونلری تعظیم ایدرلر | اوکینه اردینه دوشوب کیدرلر |
| کیر دین اهل هر لبس حلالی | حق ایچون چوقه وهم صوف و شالی |
| ریا اولور عبادتده و سوزده | بدنده وکیه جکده و یوزده |
| عبادتده ریا شرک خفی در | ریا غفلت دکیزینک کفی در |
| ایشیتک حالنی اهل ریانک | که بونلر مشرکیدر کبریانک |
| همان طالبلره بونی دیمکدر | غرض دین اهل ایچون غم یمکدر |
| حق اهلنک ایشیتکل وصف و حالن | که بونلر عرض ایدرلر حق کالان |
| لباسی کاه تاج و که عبادر | کهی دستاری و کاهی قبادر |
| دکل مخصوص بونلر بر لباسه | قبایه، شاله و یاخود پلاسه |
| اولوبدر بونلرک نفمی مسلمان | قوفعلی و قولی دین و ایمان |
| غرضدن، شبهه دن پاک و مطهر | ایچی و طیشی شرع ایله منور |
| حق اتی قوللره ایلر وسیله | که رحمت ایده خلقه آنکله |
| نه کیم وارسه ولیلر اول زمانده | الی آلتنده در انک جهانده |

جهانده غفلت اولمز اكا طاری
نظر قلماز جهانده ملك و ماله
باشنده وار انك ربانی تاجی
انك بر همتی وارد جهانده
علوم اولین و اخرینه
اكر اقرار و انكاری بو خلقك
جمعی لعبته و لهوه بکزر
مقامی یوق انك عالمده معلوم
ادی خلق ایچره درویش و کدادر
حق اتی نوریله پنهان ایدوبدر
اتی زیرکلیله کیمسه بیلمز
یوق انك ظاهرنده اشبو حالت
کسنه صورتندن نسنه طویمز
عوام الناس کیدر هر صفتده
ال ایرمز انك ایاغی توزینه
مکر حق بیلدیره اتی قولنه
صقین نا اهل آیله هم صحبت اولمه
جهانده ترك عادت ایلیهرك
وار ایله ترك عادت قیل عادت
دیلرسك کیم اولهسك بنده* خاص
که معنا بو اراده ختم اولنسون

کیم اونوتددر اكا کردکاری
نه طاکي واردر انك کشف حاله
بو خلقه یوقدر انك احتیاجی
که بر ذره دکل کونین انده
اولوبدر سینه سی انك خزینه
حقیقت بلکه هر حال بو خلقك
خطابه ظن و مکره سهوه بکزر
تک و تنها یورر مسکین و مظلوم
ولی معنا یوزنده پادشادر
اگرچه صورتا انسان ایدوبدر
هواسنه طپانلر اكا ایرمز
کیم اولولغنه ایلر دلالت
انکچون اکثر خلق اكا ایرمز
یمکده، ایچمهده، بکزده، بتده
که سرمه اولا جان و دل کوزینه
قیچن بو پرده لردن اول بیلینه
بولار وکله مردار اولوب اولمه
حقه خالص عبادت ایلیهرك
جمع اولمز عبادات ایله عادت
کرك کیم اوله سنده صدق و اخلاص
کیمی فاش و کیمییسی کتم اولونسون³⁰
صاری عبدالله افندی

« شرح پند عطار » دن

در صفت شرف خدمت کوید

تا توانی ای پسر خدمت گزین . تا شود اسب مرادت زیر زین

تا توانی گزیننه ظرفدر زیر تا مادام معناسنه در خدمت مفعولدر ایکنجی تا تعلیل ایچونددر
اسب شودك فاعلی وزیر اكا ظرفدر گزین کاف عجمی تك ضمیلله امردر مصدری گزیدندر اورندملك
معناسنه مضارعی گزیند و گزیننده کلور اسب ات در فرس معناسنه زیر آشفه در مقابلی زبرد که
یوقارودر زین کمرله ایرکه ات ارقاسنه اورلر سرج معناسنه زین پوش حاشیه که ایر
اورتوسیدر زین کوه ایر قاشیدر زین کر اگرچی در سراج معناسنه (معنای بیت) بودرکه ای پسر تا که
قادر سن یعنی قادر اولدقه خدمت اختیار ایله و سائر احوال ایچندن اتی اورندله تا که مرادك اتی

30 Şarı 'Abdu'llāh Efendi, *Şemerâtü'l-Fu'ād fi'l-Mebde' ve'l-Me'ād*, İst., Matba'a-i Âmire, 1288 (1872-73), s. 34 v.d.

ایر التنده اوله یعنی تحت سرچده فرس مرکوب ادم مرکوبه نیجه مسخر اولدیه مراد و مقصودک دخی سکا مسخر و میسر اوله زیرا خدمت وسیله. نفوسد فتح فاء ایله و نفس عینی مراددر پس خدمتدن مراد طریق تواضعی اختیار و مصالح عبادده بولمق و اداء حقوق و خدمت باب الله درکه صورت کامله سی مرشد کامله خدمتدر و خدمتک غایی (مَنْ خَدَمَ خُدِمَ) موجبجه مخدوم اسما و غمدوح خلایق اولقدر³¹.

بروسه لی اسماعیل حق

« حدیقه الجوامع » دن

جامع حضرت خالد بن زید در قصبه ایوب

استانبول فتح اولندوده شیخ موی الیه آق شمس الدین حضرتلرینک قوت قدسیه و کرامات انسیه لرله تعیین ایلدکلری محل قبر شریفلری اولمق اوزره سائر تاریخلرک دخی تعیینلرینه مطابق اولدیغی جهتدن محل مزبور حفر اولنوب ایکی قولاج مقداری عمیق یرده بر حجر محرز ظهوریله آشکار اولمشدر. روایت اولندیغنه کوره حجر مزبورده تحریر اولنان (هَذَا قَبْرُ أَبِي أَيُّوبَ) بناء علی ذلک در حال بر تر به شریفه بناسنه شروع اولنوب ختامنده بر جامع شریف دخی علاوه قلمشدرکه حالا ایوب جامعی دیو مشهوردر. طاق درگاهنده اولان تاریخی بودر :

چون سکز یوز التمش اوچ سالنده بو
جامعی سلطان محمد یاپدی نو
کَانَ هَذَا مِثْلَ جَنَائِثِ النَّعِيمِ
مَجْمَعٌ لِّلَّهِ مِنْ قَوْمٍ اتَّقَوْا

بعد زمان سلاطین عظام همتلریله نیجه تعمیرات و ترمیمات ایله خدمتار اولنوب و احباب خیراتدن دخی اتمکچی زاده احمد پاشا که چوق وقت دفتردار اولمشدر مصلی اوکنده حالا باقی اولان ضمیمه ۱۰۰۰ تاریخنده بونک همتیله بنا اولمشدر بیکیوز اوتوز اتی تاریخنده عموماً سلاطین جامعلرینه رمضان شریفلرده ماهیه لر یاپلمق اوزره فرمان همایون صادر اولدیغی ائناده جامع مزبورک مناره لرینک قامتلری قصیر و ماهیه یاپلمغه تحمیلی اولدیغی جهتدن ایکیشر شرفه لی مجدد ایکی مناره بنا اولمق فرمان اولنوب بیکیوز اوتوز آلتیده تمام اولمشدر. تاریخ مناره جدیده :

نماز پنجهکاهی خلقه اعلان
ایدرلر اسم اعظمه مسخر
صلادر شهدیا اهل مذاقه
اولوب شیرین ادا لرله محرز
چیتوب آوازی عرشه دیدی تاریخ
تَعَالَى شَأْنُهُ اللهُ أَكْبَرُ (۱۱۳۶)

31 Bursah İsmâ'il Hakkî, *Şerh-i Pend-i Aftâr*, İst., Muhib Maṭba'ası, 1287 (1871), s. 469 v.d.

دریا طرفنده اولان مناره‌یه ۱۲۳۸ سنه‌سی ذی‌القعدة سنک اون دردنچی چهارشنبه کونی عصر وقتی بقضاء الله تعالی صاعقه اصابیله مناره* مزبورک اوست شرفه‌سنه قدر براز محللری رخنه‌دار اولدینندن با فرمان عالی شرفه* بالادن یوقاریسی تجدید اولندی. تحقیقمزه کوره بوندن یدی سنه صوکره خارج جامعده اولان ایکی محفللری دارالسعاده اغاسی الحاج بشیر اغا بنا ایلمشدر. کندی دخی آنده تر به* مخصوصده مدفوندر و اوقات ثلاثه‌ده پنجره* مزبور اوکنده دعا اولنان و مواجهه پنجره‌سی تعبیر ایدیلاں پنجره‌نک کشادینه احمد خان اول حضرتلری موفق اولمشلدر. «تاریخ صبحی» ده بیان اولندیغی اوزره نقش قدم حضرت نبوی بیک یوز قرق درت سنه‌سی رجبنده سلطان محمود خان اول حضرتلرینک رأی اصابت قرینلری ایله سرای همایوندن حضرت خالد بن زید رضی الله عنه تر به* مطهره‌لرینه نقل بیوریلوب حالا زیارتگاه خاص و عام اولان محله ودیعه قلنمشدر³².

آیوانسرائی حافظ حسین

32 Ayvansarāyī Hāfız Hüseyin, *Hadīkatü'l-Cevāmi'*, c.1., İst., Maṭba'at-i Muhib, 1281 (1865), s. 243 v.d.

III.

KİTÂBE, VAKFÎYE ve BERÂT ÖRNEKLERİ

کتابه لر

1.

مزار کتابه سی

(انتقل من دارالفناء الى دارالبقاء) المرحوم المغفور اخي يوسف بن اخي علي
في تاريخ سنة تسع ثمانين و سبع مائه³³.

2.

میدان جامعی کتابه سی (سنه : ۹۷۲)

یاپدی چون حضرت حسن پاشا
فضل حقله بودار رحمانی
کورچیک آفی هاتف غیبی
دیدى تاریخ (فیض یزدانی³⁴).

3.

میدان جامعی آولیسنک شمال طرفنده تر به قیوسی کتابه سی

شهر سیواس ایچره جاننا اشبودر
شیخ شمس الدین قطبک مشهدی
دیدى فوری کنبدی تاریخی
نورله اولسون مصفا مرقدی³⁵.

4.

نعمان افندی کتبخانه سی قهوه کتابه سی

جناب حضرت نعمان افندی مفتی³⁶ دیشان
بنا ایتدی رضاء الله ایچون اجرن ویره سبحان
تمام اولدقده فهمی نقطه داريله دیدم تاریخ
کتبخانه مکمل اولدی مسعود ایلسون رحمان³⁶.

33 *Kitâbeler—1., Mübârek Çalib, Anadolu Türk Âşâr ve Maḥkûkâtı Tetebbuâtına Esâs—Ankara, İkinci Kısım, Kitâbeler, İst., Devlet Maṭbaʿası, 1928, s. 19.*

34 *Rıdvan Nâfiz—Uzunçarşılı-oğlu İsmâ'il Hakkî, Anadolu Türk Târîhi Tedkikâtından—Sivas Şehri, İst., Devlet Maṭbaʿası, 1928, s. 130.*

35 *Ayn. esr., s. 131.*

36 *Ayn. esr., s. 137.*

قسطمونیده اسماعیل بك جامع شریفی وقفیهسی صورتی

(تاریخی : ۸۶۵)

..... مدرسه مذکوره تدریس ایچون حنفی المذهب علوم ادیبه دن لابد اولنلره واقف علوم شرعیه نك اصلیه و فرعیه فنلرینه عالم دیانت و ورعیله موثوق ایام معتاده معهودده وظائف تدریس اداسنه مواظب تفسیر کلام ربانیه و احادیث نبویه و مسائل فقهیه حنفیه ایله مشغول بر مدرس تعیین و هر کونده کندیسنه اون درت درهم و هر سنه ده آلتی مد بغدادی و آلتی مد آریه و یریلمه قرارلاشدیردی و مدرسه مذکوره ده علوم شرعیه ایله مشغول و ملازم و مداوم طلبه ایچون کونده بش درهم قرارلاشدیردی که مدرس بو بش درهمی روا کوردیکی کبی تقسیم ایده و طلبه لردن هر برلرینه اتمک و چوربادن مقدار کافی و یریلمه سنی شرط ایلدی
.....
الله محسنینک اجرینی و موقوفنک رجاسنی اصاعه ایتمز حکنده اعانه الهیهیه مظهر موقع و قدری عالی حاکم دخی شووقفیه مذکوره نك صحتیه اشاغیده اسامیهسی مرقم شهود و عدل محضرنده حکم ایتدی اشبو حکم نامه یی تاریخ هجرینک سکر یوز آتمش بش سنه سی شهر شعبان المعظمنده تحریر ایلدی.

اخى يوسف ابن المرحوم سيد على بن بهادر اغا خوش خدم بن عبدالله صفى الدين مصطفى بن نبى
اخى حسن القسطموني الشهير بصوفى خوش قدم الشهير بقراسى مصطفىا

شهد بما فيه الحاج سليمان نكارى حسام الدين حسن ابن خيرالدين ابن صفر بن مرحوم
المتولى فى العماره المذكوره اسماعيل القسطموني عبدالغنى ابن عبدالرزاق


محمى الدين الياس ابن بغدادى شهد بما فيه زين الحاج والحرمين
اغاء قسطموني مجدد الدين مراد ابن اسماعيل³⁷.

37 Mehmed Behcet, *Anadolu Türk Âşâr ve Mahkûkâtı Tetebbu'âtına Esâs—Kaşgamonî Âşâr-i Kadîmesi*, İst., Matba'a-i Âmire, 1341 (1925), s.125 v.d. (Evkâf Sicilleri'nin 134'üncü sayfasından naklen Arabca aslının tercemesi).

قسطمونیده بیلائی درگاهنه عائد برات صورتی

(تاریخی : ۱۲۷۹)

برات شریف عالیشان سامی مکان سلطانی و طغرای غرای جهان ستان خاقانی غیر بالعون الربانی حکمی اولدرکه بیک ایکیوز یتیمش یدی سنه سی ذی الحجه شریفه سنک اون یدنجی کونی تخت عالی بخت عثمانی اوزره جلوس همایون میمنت مقرونی واقع اولوب عمومأ تجدید برات اولمق قاعده مرعیه سلطنت سنیه دن اولدیغنه بناء نظارت اوقاف همایون ملوکانه مه ملحق مدینه قسطمونیده واقع علی بن سلیمان بن علی مارستان دارالشفا بقعه سی وقفنک مشیخت جہتی متصرفلری اشبورافعون توقيع رفیع الشان خاقانی السید الشیخ نعمان عزت و السید حافظ محمد امین سری و السید احمد حسینیک یدلرنده اولان عتیق برات بالتقدیم تجدیدی رجا اولمقندن ناشی قیوده مراجعت اولندقدہ جهت مذکوره ایکیوز آتمش درت سنه سی محرم الحرامنک اوسطی تاریخیلہ موسی الیہمک عہدہ لرندہ اولدینی تبین ایلمش اولدیغندن قیدی و عتیق براتلری موجبہ تجدیداً برات شریفی اعطا اولمق بایندہ صادر اولان فرمان عالیشانم وجہلہ تجدیداً بو برات همایونمی و یردم و بیوردم کہ موسی الیہم اسلوب سابق اوزره جهت مذکوره یه اشتراکاً متصرفلر اولوب اشبو برات عالیشانمہ مغایر تصرفلری امورینہ طرف اخردن مداخلہ اولغنیہ شویلف بیله لر علامت شریفہ مه اعہاد قیلہ لر تحریراً فی الیوم الثانی من شهر ربیع الاول لسنہ تسع و سبعین و مأتین و ألف³⁸.



Fiyatı : 10 TL.